

Na osnovu Programa utroška sredstava vodnih naknada za 2020. godinu, usvojenog Zaključkom Vlade Zeničko-dobojskog kantona broj: 02-11-6961/20 od 19.05.2020. godine, ministar Ministarstva za poljoprivredu, šumarstvo i vodoprivredu, raspisuje:

JAVNI POZIV
za kandidovanje projekata za dodjelu sredstava vodnih naknada
Ministarstva za poljoprivredu, šumarstvo i vodoprivredu za 2020. godinu

I PREDMET JAVNOG POZIVA

Predmet javnog poziva je javno prikupljanje prijava gradova/općina (u daljem tekstu: JLS) za dodjelu sredstava za finansiranje/sufinansiranje novih projekata iz Programa utroška sredstava vodnih naknada za 2020. godinu (u daljem tekstu: Program), koja su planirana u Budžetu Zeničko-dobojskog kantona za 2020. godinu („Službene novine Zeničko-dobojskog kantona“, broj: 24/19 i 7/20), ekonomski kod 615100, Pozicija „Kapitalni transferi drugim nivoima vlasti iz sredstava posebnih vodnih naknada“ u iznosu od 6.733.152,71 KM (slovima: šestmilionsedamstotinatridesettri i 71/100 konvertibilnih maraka), prema raspodjeli po JLS utvrđenoj u Programu, kako slijedi:

JLS	PLANIRANI IZNOS (KM)
Breza	292.500,00
Doboj-Jug	142.500,00
Kakanj	618.500,00
Maglaj	457.000,00
Olovo	253.000,00
Tešanj	788.000,00
Usora	154.000,00
Vareš	229.152,71
Visoko	664.000,00
Zavidovići	658.500,00
Zenica	1.890.000,00
Žepče	586.000,00
UKUPNO:	6.733.152,71

II PRAVO UČEŠĆA

Pravo na podnošenje prijava imaju JLS sa područja Zeničko-dobojskog kantona.

III PROJEKTI KOJI SE FINANSIRAJU/SUFINANSIRAJU

Ministarstvo za poljoprivredu, šumarstvo i vodoprivredu Zeničko-dobojskog kantona (u daljem tekstu: Ministarstvo) po Programu finansira/sufinansira projekte (ili dio – fazu projekta, koja predstavlja funkcionalnu cjelinu), i to:

- Izgradnja i održavanje vodnih objekata (zaštitni vodni objekti, objekti za iskorištavanje voda (vodosnabdijevanje, odvodnjavanje i navodnjavanje) i vodni objekti za zaštitu voda od zagađivanja;
- izrada tehničke dokumentacije vezane za poslove upravljanja vodama;

JLS može kandidovati projekte isključivo u okviru planiranog iznosa za tu JLS.

IV POTREBNA DOKUMENTACIJA ZA KANDIDOVANJE PROJEKATA

Podnosioci prijave iz tačke II. ovog Javnog poziva trebaju priložiti sljedeću dokumentaciju:

1. Popunjen, potpisan i ovjeren prijavni obrazac OPP (koji se može preuzeti na web stranici Zeničko-dobojskog kantona www.zdk.ba u dijelu „Javni pozivi“) i mora sadržavati popunjene sve tražene podatke.
2. Izjavu o visini vlastitog učešća u implementaciji kandidovanog projekta, potpisanu i ovjerenu od odgovorne osobe, sa naznačenim iznosom vlastitog učešća, zajedno sa izvodom iz Budžeta JLS.
Ako postoji drugi investitor dostaviti dokaz o visini sredstava kojima će isti sufinansirati projekat (sporazum o saradnji ili ugovor ili drugi dokument kojim se dokazuje da su sredstva obezbijeđena za kandidovani projekat).
3. Projektni zadatak, ovjeren i potpisan od strane ovlaštene osobe podnosioca, ukoliko se kandiduje izrada projektne dokumentacije
4. Odobrenje za građenje za projekte izgradnje i/ili rekonstrukcije vodnih objekata (u obrascu OPP navesti podatke o odobrenju za građenje i projektnoj dokumentaciji)

Dodatni uslov za svaki kandidovani projekat je da mora biti obezbijeđena konstrukcija finansiranja.

Svi dokumenti koji se prilažu uz prijavu moraju biti original ili ovjerene kopije.

Ministarstvo nema obavezu vraćanja dokumentacije pristigle na Javni poziv.

V NAČIN PODNOŠENJA PRIJAVE

Prijave se dostavljaju u zatvorenoj koverti sa popisom dostavljenih priloga, s tim da se za predloženi projekat dostavlja popunjen OPP obrazac, koji se preuzima sa web stranice Vlade ZDK (www.zdk.ba).

Na koverti čitko napisati:

MINISTARSTVO ZA POLJOPRIVREDU, ŠUMARSTVO I VODOPRIVREDU ZENIČKO-DOBOJSKOG KANTONA

Kučukovići broj 2, 72000 Zenica

Javni poziv za kandidovanje projekata za dodjelu sredstava vodnih naknada

Ministarstva za poljoprivredu, šumarstvo i vodoprivredu za 2020. godinu

“NE OTVARAJ- otvara Komisija za utvrđivanje i provođenje Javnog poziva“

VI ROK ZA PODNOŠENJE PRIJAVA

Rok za dostavljanje prijava ističe **01.09.2020. godine.**

Prijave dostavljene nakon isteka roka iz Javnog poziva vraćaju se podnosiocu neotvorene.

VII RAZMATRANJE PRIJAVA

Neće se uzeti u dalje razmatranje prijave podnosioca dostavljene po Javnom pozivu:

- a) koje su neblagovremene (dostavljene nakon proteka roka određenog ovim Javnim pozivom);
- b) koje ne sadrže kompletnu dokumentaciju koja se traži ovim Javnim pozivom;
- c) koje projektni prijedlog/e ne dostave u zatvorenoj koverti sa naznakom kako je navedeno u ovom Javnom pozivu;
- d) koje ne sadrže u potpunosti popunjen, ovjeren i potpisan OPP obrazac;
- e) ako se kandiduju projekti koji nisu predmet ovog Javnog poziva;
- f) koje sadrže projektne prijedloge koji premašuju planirani iznos za dotičnu JLS iz tačke I. Javnog poziva;
- g) ako nije osigurana konstrukcija finansiranja, za projekte za koje je predloženo sufinansiranje;

VIII KRITERIJI ZA ODABIR PROJEKATA

Odabir kandidovanih projekata koji ispunjavaju uslove iz ovog Javnog poziva, izvršiti će Komisija za utvrđivanje i provođenje Javnog poziva, koju imenuje ministar Ministarstva.

Bodovanje projekata Komisija vrši na osnovu sljedećih kriterija:

I Projekti prema vrsti vodnih objekata

**najviše po ovom kriteriju
50 bodova**

- 1. Zaštitni vodni objekti - nasipi, obaloutvrde, uređena korita vodotoka, odvodni kanali, obodni (lateralni) kanali, objekti za zaštitu od vanjskih voda, odvodni tuneli i dr. (izvođenje radova ili izrada tehničke dokumentacije)**

Podkriteriji:

- | | |
|--|----|
| 1.1. Uređenje i održavanje vodotoka | 50 |
| 1.2. Regulacioni radovi | 30 |
| 1.3. Izgradnja zaštitinih vodnih objekata (regulacija)
za zaštitu od velikih voda 1/100 | 20 |

- 2. Vodni objekti za zaštitu voda od zagađivanja – kolektori za prijem i transport otpadnih voda, uređaji za prečišćavanja otpadnih voda i drugi pripadajući objekti i oprema (izvođenje radova ili izrada tehničke dokumentacije)**

Pokrteriji:

- | | |
|---|----|
| 2.1. Izgradnja uređaja za prečišćavanje otpadnih voda | 40 |
|---|----|

2.2. Izgradnja glavnog kolektora uzvodno od uređaja	25
2.3. Izgradnja sekundarne kanalizacione mreže	10

3. Vodni objekti za iskorištavanje voda - vodosnabdijevanje, odvodnjavanje i navodnjavanje (izvođenje radova ili izrada tehničke dokumentacije)

Podkriteriji:

3.1. Proširenje ili sanacija gradskog /općinskog vodovoda	30
3.2. Izgradnja ili rekonstrukcija/sanacija uređaja za pripremu vode	20
3.3. Izgradnja ili rekonstrukcija mjesnog vodovoda	10

II. Projekti koji su u fazi realizacije (ranije započeti) najviše po ovom kriteriju 30 bodova

Podkriteriji:

a) završna faza projekta	30
b) projekti u fazi realizacije	20
c) prva faza	10

III. Projekti koji imaju osigurano vlastito učešće ili koje sufinansiraju donatori, kreditori ili drugi subjekti (iskazano kao procenat od procijenjene vrijednosti kandidovanog projekta)* najviše po ovom kriteriju 20 bodova

Podkriteriji:

a) vlastito učešće preko 50%	20
b) 20-30%	10
c) do 20%	5

**Da bi projekat bio bodovan po ovom kriteriju, uz prijavu se mora dostaviti dokaz da su sredstva obezbijeđena (izvod iz Budžeta JLS ili drugi dokument kojim se dokazuje da su sredstva obezbijeđena iz drugog izvora), kako je navedeno u tački IV.2. Javnog poziva.*

IX OBAVJEŠTENJE O DISKVALIFIKACIJI I PRIGOVOR

Podnosioci, čije prijave ne budu ispunjavale formalno-pravne uslove biće o tome obaviješteni u pisanoj formi.

Protiv dostavljene obavijesti podnosioci mogu podnijeti prigovor Ministarstvu u roku od 3 dana od dana prijema obavijesti.

O prigovoru odlučuje ministar Ministarstva, a odluka o prigovoru je konačna.

Nakon dostavljenog Izvještaja Komisije, ministar Ministarstva utvrđuje konačnu rang listu uspješnih projekata za su/finansiranje, u skladu sa raspoloživim sredstvima.

X POTPISIVANJE UGOVORA O PRENOSU SREDSTAVA

Ministarstvo će sa JLS zaključiti Sporazum, kojim će biti regulisane međusobne obaveze i način realizacije odobrenih sredstava, uključujući zaključenje ugovora o prenosu sredstava, te drugim pitanjima u vezi sa pripremom i realizacijom izabranih projekata.

XI OPĆE ODREDBE

Ovaj Javni poziv biće objavljen na web stranici Zeničko-dobojskog kantona www.zdk.ba u dijelu Javni pozivi.

Za dodatne informacije podnosioci prijava mogu se obratiti Ministarstvu najkasnije 5 (pet) dana prije isteka roka za podnošenje prijava i to putem maila: min.poljoprivreda@zdk.ba, telefona: 032 460-750 ili faxes: 032 460-752.

MINISTAR

Mirnes Bašić